



Bosnia and Herzegovina  
Federation of Bosnia and Herzegovina

**CANTON SARAJEVO**  
**Cantonal Civil Protection Administration**

Broj: 01-40-1757/20  
Sarajevo, 21.09.2020. godine

Na osnovu člana 11. stav (1) Odluke o uslovima i načinu korištenja finansijskih sredstava iz premije osiguranja imovine od požara i prirodnih sila i sredstava od naplaćene funkcionalne premije osiguranja, koja se odnosi na osiguranje motornih vozila („Službene novine Kantona Sarajevo, broj: 36/20), direktor Kantonalne uprave civilne zaštite Kantona Sarajevo objavljuje

**JAVNI POZIV**  
**za dodjelu vatrogasnih sredstava za 2020. godinu**

**I PREDMET JAVNOG POZIVA**

Predmet Javnog poziva je dodjela finansijskih sredstava, koja se u skladu sa članom 137. Zakona o zaštiti od požara i vatrogastvu („Službene novine Federacije BiH“, broj 64/09) prikupljaju u Budžetu Kantona Sarajevo – Kantonalne uprave civilne zaštite Kantona Sarajevo iz premije osiguranja imovine od požara i prirodnih sila i sredstava od naplaćene funkcionalne premije osiguranja, koja se odnosi na osiguranje motornih vozila (u daljnjem tekstu: vatrogasna sredstva). Dodjela vatrogasnih sredstava će se izvršiti iz sredstava koja u skladu sa članom 3. Odluke o uslovima i načinu korištenja finansijskih sredstava iz premije osiguranja imovine od požara i prirodnih sila i sredstava od naplaćene funkcionalne premije osiguranja, koja se odnosi na osiguranje motornih vozila („Službene novine Kantona Sarajevo, broj: 36/20), pripadaju formiranim dobrovoljnim vatrogasnim jedinicama u dobrovoljnim vatrogasnim društvima na nivou Kantona Sarajevo.

Pozivaju se sva dobrovoljna vatrogasna društva sa područja Kantona Sarajevo, u kojim su formirane dobrovoljne vatrogasne jedinice, koje ispunjavaju uslove propisane Odlukom o uslovima i načinu korištenja finansijskih sredstava iz premije osiguranja imovine od požara i prirodnih sila i sredstava od naplaćene funkcionalne premije osiguranja, koja se odnosi na osiguranje motornih vozila, da podnesu prijave na ovaj Javni poziv.



## II KRITERIJI I POTREBNA DOKUMENTACIJA

Prijavu na ovaj Javni poziv mogu podnijeti dobrovoljna vatrogasna društva sa područja Kantona Sarajevo, u kojim su formirane dobrovoljne vatrogasne jedinice, koje ispunjavaju sljedeće kriterije:

- a) dobrovoljno vatrogasno društvo mora biti registrovano i imati sjedište na području Kantona, gdje se kao dokaz o istom prilaže rješenje o upisu u registar udruženja;
- b) dobrovoljna vatrogasna jedinica mora biti formirana u dobrovoljnom vatrogasnom društvu, gdje se kao dokaz o istom prilaže rješenje ili drugi odgovarajući dokument kojim se dokazuje da je ista formirana;
- c) u sastavu dobrovoljne vatrogasne jedinice mora biti formacija od minimalno deset vatrogasaca i vatrogasaca-vozača sa položenim ispitom za dobrovoljnog vatrogasca, gdje se kao dokaz o istom prilaže ovjerena izjava odgovornog lica u dobrovoljnom vatrogasnom društvu sa spiskom pripadnika te jedinice;
- d) u sastavu dobrovoljne vatrogasne jedinice mora biti minimalno jedan vozač-vatrogasac sa položenom vozačkom dozvolom „C“ kategorije, gdje se kao dokaz o istom prilaže ovjerena fotokopija vozačke dozvole;
- e) u sastavu dobrovoljne vatrogasne jedinice mora biti minimalno jedan komandir koji ima položen ispit za rukovodioca akcije gašenja požara, gdje se kao dokaz o istom prilaže ovjerena fotokopija uvjerenja o položenom ispitu za rukovodioca akcije gašenja požara;
- f) dobrovoljna vatrogasna jedinica mora posjedovati:
  - 1) minimalno jedno vatrogasno vozilo, gdje se kao dokaz prilaže ovjerena fotokopija saobraćajne dozvole;
  - 2) opremu za gašenje šumskih i drugih požara, gdje se kao dokaz prilaže spisak opreme, ovjeren od strane odgovornog lica u dobrovoljnom vatrogasnom društvu;
  - 3) prostorije za smještaj ljudi, vozila i opreme, gdje se kao dokaz prilaže dokaz o vlasništvu ili ugovor o korištenju objekta ili objekata, odnosno drugi odgovarajući dokument kojim se potvrđuje da se objekat koristi u ove svrhe;
  - 4) ličnu zaštitnu opremu za vatrogasce, gdje se kao dokaz prilaže spisak lične zaštitne opreme minimalno za deset vatrogasaca, ovjeren od strane odgovornog lica u dobrovoljnom vatrogasnom društvu.

Prijava na ovaj Javni poziv treba da bude potpisana od strane odgovorne osobe i ovjerena pečatom udruženja, i ista treba da sadrži podatke o broju žiro računa i banci na koju će se vršiti uplata vatrogasnih sredstava za dobrovoljno vatrogasno društvo, u kojem je formirana dobrovoljna vatrogasna jedinica.

## III ROK ZA DOSTAVLJANJE PRIJAVA I NAČIN PODNOŠENJA PRIJAVA

Javni poziv ostaje otvoren 10 dana od dana objavljivanja i isti je objavljen na web stranici Kantonalne uprave civilne zaštite Kantona Sarajevo <https://kucz.ks.gov.ba/> dana 22.09.2020. godine, a krajnji rok za dostavljanje prijava je 02.10.2020. godine.



Prijave sa dokumentacijom iz tačke II ovog Javnog poziva se podnose Kantonalnoj upravi civilne zaštite Kantona Sarajevo, neposredno na protokol Kantonalne uprave civilne zaštite Kantona Sarajevo svaki radni dan od 09:00 do 15:00 sati ili preporučenom poštom na adresu: Kantonalna uprava civilne zaštite Kantona Sarajevo, ul. Fehima ef. Čurčića br. 1., 71000 Sarajevo.

Prijave se podnose u zatvorenoj koverti sa naznakom „Za javni poziv za dodjelu vatrogasnih sredstava za 2020. godinu“. Na poleđini koverte obavezno je navesti: naziv podnosioca prijave, adresu i kontakt telefon podnosioca prijave.

Nepotpune, neuredne i neblagovremene prijave, neće se uzeti u razmatranje.

#### **IV IZBOR KORISNIKA, OBJAVA REZULTATA I DODJELA SREDSTAVA**

Direktor Kantonalne uprave civilne zaštite Kantona Sarajevo će posebnim rješenjem formirati komisiju od tri člana, koja će pregledati i razmotriti pristigle prijave i dokumentaciju, te na osnovu toga sačiniti prijedlog odluke o dodjeli vatrogasnih sredstava dobrovoljnim vatrogasnim jedinicama formiranim u dobrovoljnim vatrogasnim društvima sa područja Kantona Sarajevo, koje ispunjavaju sve uslove tražene ovim Javnim pozivom.

Odluku o dodjeli vatrogasnih sredstava dobrovoljnim vatrogasnim jedinicama formiranim u dobrovoljnim vatrogasnim društvima sa područja Kantona Sarajevo, koje ispunjavaju sve uslove tražene ovim Javnim pozivom, Kantonalna uprava civilne zaštite Kantona Sarajevo će objaviti na svoj web stranici; <https://kucz.ks.gov.ba/>.

Vatrogasna sredstva na osnovu ovog Javnog poziva dodijelit će se dva puta do kraja 2020. godine na žiro račun dobrovoljnih vatrogasnih društava u kojima su formirane dobrovoljne vatrogasne jedinice i to na način da će se prva tranša dodijeliti najkasnije u roku od 30 dana donošenja odluke o dodjeli vatrogasnih sredstava obzirom da je Odluka o uslovima i načinu korištenja finansijskih sredstava iz premije osiguranja imovine od požara i prirodnih sila i sredstava od naplaćene funkcionalne premije osiguranja, koja se odnosi na osiguranje motornih vozila objavljena u Službenim novinama Kantona Sarajevo dana 10.09.2020. godine, dok će se druga tranša dodijeliti do 31.12.2020. godine.

#### **V OSTALE INFORMACIJE**

Podnosilac prijave snosi sve troškove u vezi sa pripremom i dostavljanjem njegove prijave po ovom Javnom pozivu.

Prijava i dostavljena dokumentacija po ovom Javnom pozivu ne vraća se podnosiocu prijave.

Dostavljeno:

- Na web stranicu KUCZ KS
- a/a



web: <https://kucz.ks.gov.ba>  
e-mail: [kucz@kucz.ks.gov.ba](mailto:kucz@kucz.ks.gov.ba)  
Tel: + 387(0)33 257-330, 257-335  
Fax: + 387(0)33 257-336  
Sarajevo, Fehima efendije Čurčića 1